

摘藻堂四庫全書薈要

史部

欽定四庫全書薈要

史部

資治通鑑卷一百二十九

詳校官編修臣汪鏞



欽定四庫全書薈要卷七千一百十四

史部

資治通鑑卷一百二十八 宋 司馬光 撰

胡三省 音註

東家紀十

起闕逢敦牂盡著  
雍闢茂凡五年

世祖孝武皇帝上

諱駿字休龍小字道民  
文帝第三子也

孝建元年春正月己亥朔上祀南郊改元大赦

上既平  
元兇之

亂依故事即位踰年而後改元孝建  
者蓋欲以孝建平禍亂安宗廟之功

甲辰以尚書令

何尚之為左光祿大夫護軍將軍以左衛將軍顏竣為

吏部尚書領驍騎將軍

竣七倫翻驍堅堯翻騎奇寄翻

壬戌更鑄孝

建四銖錢

更工衡翻

乙丑魏以侍中伊劼為司空

劼蒲撥翻

丙子立皇子子業為太子

初江州刺史臧質自謂人

才足為一世英雄太子劼之亂質潜有異圖以荊州刺

史南郡王義宣庸闇易制

易以鼓翻

欲外相推奉因而覆之

質於義宣為內兄

臧質武敬皇后之姪年長於義宣故為內兄

既至江陵

質初

起兵與魯爽同詣江陵事見上卷上年

即稱名拜義宣義宣驚愕問故質

曰事中宜然

謂國家多事之中宜相推奉也

時義宣已奉帝為主故其

計不行及至新亭

去年五月朔  
實至新亭

又拜江夏王義恭

夏戶  
雅翻

曰天下屯危禮異常日

屯陟  
倫翻

劭既誅義宣與質功皆第

一由是驕恣事多專行凡所求欲無不必從

必上之  
從已

義

宣在荊州十年

文帝元嘉二十年  
義宣鎮荊州

財富兵彊朝廷所下制

度意有不同一不遵承

史歷言義宣質驕  
橫之由下遐稼翻

質自建康之

江州舫千餘乘部伍前後百餘里

舫甫妄翻  
乘繩證翻

帝方自攬

威權而質以少主遇之

少詩  
沼翻

政刑慶賞一不咨稟擅用

湓口鉤圻米

湓口米荆湘郢三州之運所積也鉤圻米  
南江之運所積也水經注瀨水自南昌歷

柳丘城下又歷鉤圻邸閣  
下而後至彭澤圻音畿

臺符屢加檢詰漸致猜懼

檢詰

謂檢校米斛而詰問擅  
用之由也詰去吉翻

帝淫義宣諸女義宣由是恨怒

質乃遣密信說義宣

密信密吏也說輸  
芮翻下說誘同

以為負不賞之

功挾震主之威自古能全者有幾今萬物係心於公聲

迹已著見幾不作將為它人所先

幾居希翻  
先悉薦翻

若命徐遺

寶魯爽驅西北精兵來屯江上

徐遺寶刺兗州直建康  
北魯爽刺南豫直建康

西魯爽素奉義宣徐遺寶由義  
宣府參軍起故欲命之同逆

質帥九江樓船為公前

驅帥讀  
曰率已為得天下之半公以八州之衆徐進而臨之

義宣都督荆雍梁益湘交廣寧八州

雖韓白更生不能為建康計矣

韓白謂韓

信白

且少主失德聞于道路

問音

沈柳諸將亦我之故

人沈慶之與質同以武幹事文帝質為雍州柳元景其部曲將也將即亮翻下同誰肯為少主

盡力者

為于偽翻下為公同

夫不可留者年也不可失者時也質

常恐溘先朝露

溘苦答翻又苦合翻溘奄也朝露言其易晞溘先朝露言奄然而死在朝露未

晞之先先

不得展其旅力

毛萇曰旅衆也考孔安國書注亦然

為公掃除

於時悔之何及義宣腹心將佐諮議參軍蔡超司馬竺

超民等咸有富貴之望

蔡超等以江州將佐從帝起義以得富貴故懷非望欲倚

質威名以成其業共勸義宣從其計質女為義宣子採

之婦義宣謂質無復異同

復扶又翻

遂許之超民變之子也

景平元嘉間竺

夔守東陽有功

臧敦時為黃門侍郎帝使敦至義宣所

道經尋陽質更令敦說誘義宣

誘音酉

義宣意遂定豫州

刺史魯爽有勇力義宣素與之相結義宣密使人報爽

及兗州刺史徐遺寶期以今秋同舉兵使者至壽陽爽

方飲醉失義宣指即日舉兵

考異曰宋本紀二月庚午爽臧質南郡王義宣徐

遺寶舉兵反義宣傳云其年正月便反宋畧云二月義宣等反按爽之反帝猶遣質收魯弘則非同日反明矣



又按長曆是月戊辰朔然則庚午三日也義宣傳起  
兵在二月二十六日但不知爽反有正月與二月耳

弟瑜在建康聞之逃叛爽使其衆戴黃標戴黃以爲標識竊造

法服登壇自號建平元年疑長史韋處穆中兵參軍楊

元駒治中庾騰之不與已同皆殺之處昌呂翻徐遺寶亦勒

兵向彭城二月義宣聞爽已反狼狽舉兵魯瑜弟弘為

質府佐帝敕質收之質即執臺使舉兵使疏吏翻義宣與質

皆上表言為左右所讒疾欲誅君側之惡義宣進爽號

征北將軍爽於是送所造輿服詣江陵使征北府戶曹

板義宣等

晉宋之制藩方權宜授官者謂之板授

文曰丞相劉今補天子

名義宣車騎臧今補丞相名質平西朱今補車騎名修

之先是臧質進號車騎將軍鎮尋陽朱修之進號平西將軍鎮襄陽進義宣丞相辭不受皆板到

奉行義宣駭愕爽所送法物並留竟陵不聽進質加魯

弘輔國將軍下戍大雷義宣遣諮議參軍劉謏之將萬

人就弘

謏氏壬翻將即亮翻

召司州刺史魯秀欲使為謏之後繼

秀至江陵見義宣出拊膺曰吾兄誤我乃與癡人作賊

今年敗矣義宣兼荆江兗豫四州之力威震遠近帝欲

奉乘輿法物迎之

乘繩證翻

竟陵王誕固執不可曰奈何持

此座與人乃止

竟陵王誕時為揚州刺史

己卯以領軍將軍柳元

景為撫軍將軍辛卯以左衛將軍王玄謨為豫州刺史

欲以代魯爽

命元景統玄謨等諸將以討義宣癸巳進據梁

山洲

時梁山江中有洲玄謨等舟師據之

於兩岬築偃月壘水陸待之義

宣自稱都督中外諸軍事命僚佐悉稱名甲午魏主

詣道壇受圖籙

寇謙之之遺教也

丙申以安北司馬夏侯祖

歡為兗州刺史

代徐遺寶

三月己亥內外戒嚴

略考異曰宋宋本紀皆

作癸亥下有辛丑按長曆是月戊戌朔癸亥二十六日辛丑乃四日也當作巳亥 辛丑以徐州

刺史蕭思話為江州刺史

欲以代臧質

柳元景為雍州刺史

欲以代朱修之雍於用翻

癸卯以太子左衛率龐秀之為徐州刺史

欲以代蕭思話

義宣移檄州郡加進位號使同發兵雍州刺史

朱修之偽許之而遣使陳誠於帝

遣使疏吏翻下同

益州刺史

劉秀之斬義宣使者遣中兵參軍韋崧將萬人襲江陵

將即亮翻下使將同

戊申義宣帥衆十萬發江津舳艫數百里

帥讀

曰率舳音逐盧音盧

以子惔為輔國將軍與左司馬竺超民留鎮

江陵

怕土刀翻

檄朱修之使發兵萬人繼進修之不從義宣

知修之貳於已乃以魯秀為雍州刺史使將萬餘人擊

之王玄謨聞秀不來

魯秀善戰故王玄謨憚之

喜曰臧質易與耳

易以

鼓翻

冀州刺史垣護之妻徐遺寶之姊也遺寶邀護之同

反護之不從發兵擊之遺寶遣兵襲徐州長史明盾於

彭城不克

蕭思話已離彭城長史明盾守之

盾與夏侯祖歡垣護之共

擊遺寶於湖陸

宋兗州治湖陸

遺寶弃衆焚城奔魯爽義宣至

尋陽以質為前鋒而進爽亦引兵直趣歷陽

趣七喻翻

與質

水陸俱下殿中將軍沈靈賜將百舸破質前軍於南陵

擒軍主徐慶安等

舸古我翻

質至梁山夾陳兩岸與官軍相

拒

陳讀曰陣

夏四月戊辰以後將軍劉義綦為湘州刺史甲

申以朱修之為荊州刺史

義宣為荊湘二州刺史而反故二州皆命代以朱修之效

順使制其後故命以荊州

上遣左軍將軍薛安都龍驤將軍南陽宗

越等戍厯陽

驤思將翻

與魯爽前鋒楊胡興等戰斬之

異曰考

安都傳作胡與今從宗越傳

爽不能進留軍大峴使魯瑜屯小峴

小峴

在合肥之東大峴又在小峴之東峴戶典翻

上復遣鎮軍將軍沈慶之濟江

督諸將討爽

復扶又翻

爽食少引兵稍退自留斷後

少詩沼翻斷音

短斷後古之所謂殿也

慶之使薛安都帥輕騎追之

帥讀曰率騎奇寄翻

丙

戊及爽於小峴爽將戰飲酒過醉安都望見爽即躍馬

大呼直往刺之

呼火故翻刺七亦翻

應手而倒左右范雙斬其首

爽衆奔散瑜亦為部下所殺遂進攻壽陽克之

爽為南豫州刺

史鎮壽陽

徐遺寶奔東海東海人殺之

李延壽論曰凶人之濟其身非世亂莫由焉魯爽以

亂世之情而行之於平日

平日謂安平無事之日

其取敗也宜

哉

考異曰此語本出沈約宋書吳喜黃回傳贊而延壽取之以爽施用失所故絀其名

南郡王義宣至鵲頭慶之送爽首示之并與書曰僕荷

任一方而豐生所統

去年慶之鎮盱眙今使之專征蓋

近聊帥輕師指往翦撲

輕師言非重兵撲普卜翻

軍鋒裁及賊爽授

首公情契異常

言義宣與爽相結情契異于常人

或欲相見及其可識

指送相呈爽累世將家

魯爽父軌軌父宗之三世將家

驍猛善戰號萬

人敵

驍堅亮翻

義宣與質聞其歿皆駭懼柳元景軍于采石

王玄謨以臧質衆盛遣使來求益兵

使疏吏翻

上使元景進



屯姑孰

考異曰垣護之傳作南州蓋南州即姑孰也愚按宋白續通典曰桓玄居南州以在國南故

曰南州載之宣州之下晉書云桓玄於南州起齋號曰盤龍齋劉毅小字盤龍玄既敗毅以豫州刺史出鎮姑孰正居是齋桓玄既誅司馬元顯出鎮姑孰起盤龍齋蓋是時也晉書正指姑孰為南州宋白誤矣太傅

義恭與義宣書曰往時仲堪假兵靈寶尋害其族孝伯

推誠牢之旋踵而敗

假兵推誠事並見一百一十卷晉安帝隆安二年桓玄殺殷仲堪見

一百一十一卷三年桓

玄字靈寶王恭字孝伯

臧質少無美行弟所具悉

質少輕薄

無檢為文帝所嫌少

詩沼翻行下孟翻

今藉西楚之彊力圖濟其私凶謀

若果

果勝也克也決也

恐非復池中物也

復扶又翻

義宣由此疑之

五月甲辰義宣至蕪湖質進計曰今以萬人取南州則

梁山中絕

柳元景屯南州為梁山後鎮若取之則梁山之路中絕

萬人綴梁山則

玄謨必不敢動下官中流鼓棹直趣石頭此上策也

沈慶

之薛安都等在江西柳元景王玄謨等與義宣相持若質計得行建康殆矣趣七喻翻

義宣將從

之劉謨之密言于義宣曰質求前驅此志難測不如盡

銳攻梁山事克然後長驅此萬安之計也義宣乃止冗

從僕射胡子反等守梁山西壘會西南風急質遣其將

尹周之攻西壘

因西南風急而攻西壘東壘之兵難以逆風赴救冗而隴翻從才用翻將即亮

翻

子反方度東岬就玄謨計事聞之馳歸偏將劉季之

帥水軍殊死戰

帥讀曰率

求救於玄謨玄謨不遣大司馬參

軍崔勲之固爭乃遣勲之與積弩將軍垣詢之救之比

至城已陷勲之詢之皆戰死

比必寐翻及也考異曰義宣傳曰五月十九日西南

風猛宋略曰己亥質遣尹周之攻梁山西壘陷之按長  
歷是月丁酉朔三日己亥八日甲辰十八日甲寅宋略  
於己亥上有甲辰下有甲寅然則決非十九日  
與己亥或者己酉與辛亥也今宋書日闕疑

詢之護

之之弟也子反等犇還東岬質又遣其將龐灋起將數

千兵趨南浦欲自後掩玄謨

龐皮江翻趨七喻翻時玄謨使其將鄭琨武念戍南

浦其地則今之大信港也俗謂之扁擔河

游擊將軍垣護之引水軍與戰破

之

此以上皆梁山交戰事

朱修之斷馬鞍山道

水經注檀溪水出襄陽西柳子山下

東為鴨湖湖在馬鞍山東北按馬鞍山今謂之望楚山晉劉弘所改名也高處有三磴斷丁管翻

據險

自守魯秀攻之不克屢為修之所敗

敗補邁翻

乃還江陵修

之引兵躡之或勸修之急追修之曰魯秀驍將也獸窮

則攫不可迫也

兵法有云知己知彼百戰不殆朱修之此戰近之驍堅克翻將即亮翻

王

玄謨使垣護之告急於柳元景曰西城不守唯餘東城萬人賊軍數倍彊弱不敵欲退還姑孰就節下協力當

之更議進取元景不許曰賊勢方盛不可先退吾當卷

甲赴之護之曰賊謂南州有三萬人而將軍麾下裁十

分之一若往造賊壘

造士到翻

則虛實露矣王豫州必不可

來不如分兵援之元景曰善乃留羸弱自守悉遣精兵

助玄謨多張旗幟

羸倫為翻  
幟昌志翻

梁山望之如數萬人皆以

為建康兵悉至衆心乃安質自請攻東城諮議參軍顏

樂之說義宣曰質若復克東城

樂音洛說輸芮  
翻復扶又翻

則大功

盡歸之矣玄遣麾下自行義宣乃遣劉謨之與質俱進

甲寅義宣至梁山頓兵西岬

義宣自鵲頭至梁山西岸

質與劉謩之

進攻東城玄謨督諸軍大戰薛安都帥突騎先衝其陳

之東南陷之

帥讀曰率騎奇寄翻陳讀曰陣

斬謩之首劉季之宗越又

陷其西北質等兵大敗垣護之燒江中舟艦烟焰覆水

艦戶黯翻覆敷又翻下覆頭同

延及西岬營壘殆盡諸軍乘執攻之義

宣兵亦潰義宣單舸迸走閉戶而泣

舸古我翻迸北孟翻戶艦戶也

荆

州人隨之者猶百餘舸質欲見義宣計事而義宣已去

質不知所為亦走其衆皆降散

降戶江翻

已未解嚴

癸亥

以吳興太守劉延孫為尚書右僕射

守手又翻

六月丙寅

魏主如陰山

臧質至尋陽焚燒府舍載妓妾西走使

嬖人何文敬領餘兵居前至西陽西陽太守魯方平給

文敬曰

妓渠綺翻嬖卑義翻又博計翻給蕩亥翻

詔書唯捕元惡餘無所問

不如逃之文敬棄衆亡去質先以妹夫羊冲為武昌郡

晉起居注武帝太康元年改江夏為武昌郡又按

晉志吳主權以東鄂置武昌郡今壽昌軍是也質往

投之冲已為郡丞胡庇之所殺質無所歸乃逃于南湖

南湖今在壽昌軍

掇蓮實噉之

掇丁括翻噉徒監翻又徒覽翻

追兵至

武昌縣東八里

以荷覆頭自沈於水出其鼻

沈持林翻

戊辰軍主鄭俱兒望

見射之中心

射而亦翻中竹仲翻

兵刃亂至腸胃縈水艸斬首送

建康子孫皆弃市并誅其黨樂安太守任薈之

任音士薈烏外

翻臨川內史劉懷之鄱陽太守杜仲儒仲儒驥之兄子

也

杜驥元嘉中刺青州

功臣柳元景等封賞各有差丞相義宣走

至江夏聞巴陵有軍

巴陵之軍蓋韋崧之兵也或曰湘州刺史劉遵考之兵也夏戶雅翻

回向江陵衆散且盡與左右十許人徒步脚痛不能前

僦民露車自載

僦即就翻賃也

緣道求食至江陵郭外遣人報



竺超民超民具羽儀兵衆迎之時荊州帶甲尚萬餘人

左右翟靈寶誠義宣使撫慰將佐

翟萇伯翻將即亮翻

以臧質違

指授之宜用致失利今治兵繕甲更為後圖

治直之翻

昔漢

高百敗終成大業而義宣忘靈寶之言誤云項羽千敗

衆咸掩口

掩口而笑也

魯秀竺超民等猶欲收餘兵更圖一

決而義宣惛沮無復神守入內不復出

沮在呂翻復扶又翻下夜復同

左右腹心稍稍離叛魯秀北走

考異曰宋略云秀自襄陽敗退將及江陵聞

敗北走今從宋書

義宣不能自立欲從秀去乃攜息悁

息子也

及

所愛妾五人著男子服相隨

著陟略翻

城內擾亂白刃交橫

義宣懼墜馬遂步進竺超民送至城外更以馬與之歸

而城守

守手又翻

義宣求秀不得左右盡弃之夜復還南郡

空廨

南郡太守廨舍蓋在江陵城外廨古隘翻

旦日超民收送刺奸

自漢以來公府

有刺奸掾

義宣止獄戶坐地歎曰臧質老奴誤我五妾尋被

遣出義宣號泣語獄吏曰常日非苦今日分別始是苦

被皮義翻號戶高翻語牛倨翻別如字分別猶分離也

魯秀衆散不能去還向江

陵城上人射之

射而亦翻

秀赴水死就取其首詔右僕射劉

孝孫使荆江二州旌別枉直

使疏吏翻別皮列翻

就行誅賞且分

割二州之地議更置新州

由是遂分荆湘江豫之地置郢州

初晉氏南

遷以揚州為京畿穀帛所資皆出焉以荆江為重鎮甲

兵所聚盡在焉常使大將居之

將即亮翻

三州戶口居江南

之半上惡其彊大故欲分之

惡烏路翻下同

癸未分揚州浙東

五郡置東揚州治會稽

五郡會稽東陽永嘉臨海新安會工外翻

分荆湘江

豫州之八郡置郢州治江夏

分荆州之江夏竟陵隨武陵天門湘州巴陵江州武

昌豫州西陽凡八郡永初郡國志及何承天志江夏太守本治安陸自此之後徙治夏口今鄂州治江夏縣即

其地夏戶雅

罷南蠻校尉遷其營於建康

晉武帝置護南蠻校尉於

翻下夏口同

襄陽江左初省尋又置於江陵水經注南蠻校尉府在方城自油口以東屯營相接悉是南蠻府屯兵校戶教

翻

太傅義恭議使郢州治巴陵尚書令何尚之曰夏口

在荆江之中正對沔口通接雍梁寔為津要

自夏口入沔沂流而

上至襄陽又沂流而上至漢中故云通接雍梁雍於用

翻由來舊鎮根基不易

夏口自吳

以來為

既有見城

見賢遍翻

浦大容舫於事為便

守江之備船艦為急

重鎮

故以浦大容舫為便舫浦妄

翻

上從之既而荆揚因此虛耗尚之請復

合二州

復扶又翻

上不許

戊子省錄尚書事上惡宗室彊

盛不欲權在臣下太傅義恭知其指故請省之上使

王公八座與荊州刺史朱修之書

晉志曰五曹尚書一僕射二令為八座宋

益二僕射一令

令丞相義宣自為計書未達庚寅修之入江陵

殺義宣并誅其子十六人及同黨竺超民從事中郎蔡

超諮議參軍顏樂之等超民兄弟應從誅何尚之上言

賊既遁走一夫可擒若超民反覆昧利即當取之非唯

免愆亦可要不義之賞而超民曾無此意微足觀過知

仁

何尚之此言為竺超民兄弟道地耳要一遙翻

且為官保全城府謹守庫藏

為于偽翻  
藏祖浪翻

端坐待縛今戮及兄弟則與其餘逆黨無異

於事為重上乃原之 秋七月丙申朔日有食之 庚

子魏皇子弘生辛丑大赦改元興光 丙辰大赦 八

月甲戌魏趙王深卒 乙亥魏主還平城 是年夏書魏主如陰山

冬十一月戊戌魏主如中山遂如信都十二月丙子

還幸靈丘

靈丘縣自漢以來屬代郡唐為蔚州

至溫泉宮庚辰還平城

二年春正月魏車騎大將軍樂平王拔有臯賜死

騎奇寄翻

鎮北大將軍南兖州刺史沈慶之請老二月丙寅以

為左光祿大夫開府儀同三司慶之固讓表疏數十上

又面自陳乃至稽顙泣涕

上時掌翻稽音啓

上不能奪聽以始

興公就第厚加給奉頃之上復欲用慶之

復扶又翻下同

使何

尚之往起之尚之累陳上意慶之笑曰沈公不效何公

往而復返

尚之不能固志見一百二十六卷文帝元嘉二十八年

尚之慙而止辛

巳以尚書右僕射劉延孫為南兖州刺史 夏五月戊

戌以湘州刺史劉遵考為尚書右僕射 六月壬戌魏

改元太安 甲子大赦 甲申魏主還平城

史亦不書所如之地

秋七月癸巳立皇弟休祐為山陽王休茂為海陵王

休業為鄱陽王 丙辰魏主如河西 雍州刺史武昌

王渾

朱修之已赴江陵柳元景又留建康以渾刺雍州雍於用翻

與左右作檄文自

號楚王改元永光備置百官以為戲笑長史王翼之封

呈其手迹八月庚申廢渾為庶人徙始安郡上遣負外

散騎侍郎東海戴明寶詰責渾

散悉宜翻騎奇計翻詰去吉翻

因逼令

自殺時年十七 丁亥魏主還平城 詔祀郊廟初設

備樂從前殿中曹郎荀萬秋之議也

晉氏南渡州創二郊無樂宗廟雖有



登歌亦無二舞及破苻堅得樂工始有金石之樂文帝  
元嘉二十二年南郊始設登歌此所謂備樂非能備雅  
樂魏晉以來世俗之樂耳順帝昇明二年王  
僧虔所謂朝廷禮樂多違舊典蓋指此類

上欲削

弱王侯冬十月己未江夏王義恭竟陵王誕奏裁王侯  
車服器用樂舞制度凡九事上因諷有司奏增廣為二

十四條

聽事不得南面坐施帳并幘蕃國官正冬不得  
徒跣登國殿及夾侍國師傳令及油戟公主妃

傳令不得朱服輿不得重捫郭扇不得雉尾槊毼不得  
孔雀白氍毹夾轂隊不得絳襖平乘但馬不得過二匹胡  
妓不得綵衣舞妓正冬著袿衣不得莊面蔽花正冬會  
不得劔舞杯柈舞長躡伎趯舒九劍博山伎緣大撞伎  
五案伎自非正冬會奏舞曲不得舞諸妃主不得著緹  
帶信幡非臺省官悲用絳郡縣內史相及封內官長於

其封君既非在三罷官則不復追敬不合稱臣止宜上下官敬而已諸鎮常行車前後不得過六隊白直夾轂不在其限刀不得過銀銅飾諸王女封縣主諸王子孫襲封王之妃及封侯者夫人行並不得鹵簿諸王子繼體為王婚葬吉凶悉依諸國公侯之禮不得同皇弟皇子車輿非輅車不得油幢平乘船皆平兩頭作露平形不得擬象龍舟悉不得朱油帳錯不得作五花及監筭形

聽事不得南向坐劔不得

為鹿盧形

晉灼曰古長劔首以玉作井鹿盧形

內史相及封內官長止稱

下官不得稱臣罷官則不復追敬

長知兩劔復扶又翻

詔可 庚

午魏以遼西王常英為太宰 壬午以太傅義恭領揚

州刺史竟陵王誕為司空領南徐州刺史建平王宏為

尚書令

是歲以故氏王楊保宗子元和為征虜將軍

楊頭為輔國將軍頭文德之從祖兄也元和雖楊氏正

統

從才用翻楊保宗氏王楊玄之子故元和為楊氏正統

朝廷以其年幼才弱未

正位號部落無定主頭先戍葭蘆母妻子弟並為魏所

執

文帝元嘉二十年魏克仇池楊文德敗走頭母妻子弟為魏所執當在是年二十四年始使頭戍葭蘆

而頭為宋堅守無貳心

為子偽翻

雍州刺史王玄謨上言

雍於

用翻上時掌翻

請以頭為假節西秦州刺史用安輯其衆俟數

年之後元和稍長使嗣故業若元和才用不稱

長知兩翻稱尺

證便應歸頭頭能藩扞漢川使無虜患彼四千戶荒州

殆不足惜若葭蘆不守漢川亦無立理上不從

三年春正月庚寅立皇弟休範為順陽王休若為巴陵

王戊戌立皇子子尚為西陽王壬子納右衛將軍何

瑀女為太子妃瑀澄之曾孫也甲寅大赦乙卯魏立

貴人馮氏為皇后后遼西郡公朗之女也

馮朗降魏見一百二十二

卷文帝元嘉九年

朗為秦雍二州刺史

雍於用翻

坐事誅后由是没

入宮

為馮后專魏政張本

二月丁巳魏主立子弘為皇太子先

使其母李貴人條記所付託兄弟然後依故事賜死

甲子以廣州刺史宗慤為豫州刺史故事府州部內論

事皆籤前直叙所論之事置典籤以主之宋世諸皇子

為方鎮者多幼時主皆以親近左右領典籤

近其新翻

典籤

之權稍重至是雖長王臨藩

長知兩翻

素族出鎮典籤皆出

納教命執其樞要刺史不得專其職任及慤為豫州臨

安吳喜為典籤

吳分餘杭為臨水縣晉武帝太康元年更名臨安屬吳興郡

慤刑政

所施喜每多違執慤大怒曰宗慤年將六十為國竭命

為于  
偽翻

正得一州如斗大

正一作止

不能復與典籤共臨之喜

稽顙流血乃止

復扶又翻  
稽音啟

丁零數千家匿井陘山中

為盜

陸音刑

魏選部尚書陸真

初學記漢成帝置列曹尚書四人其一曰常侍曹光

武改常侍曹曰吏部主選舉靈帝改吏部為選部後魏初有殿中樂部駕部南部北部五尚書選部尚書蓋此

時方置

與州郡合兵討滅之

閏月戊午以尚書左僕射

劉遵考為丹陽尹

癸酉鄱陽哀王休業卒

太傅義

恭以南兖州刺史西陽王子尚有寵將避之乃辭揚州

秋七月解義恭揚州丙子以子尚為揚州刺史時熒惑

守南斗上廢西州舊館使子尚移治東城以厭之

厭於葉翻

又於琰翻斗揚州分故厭之

揚州別駕從事沈懷文曰天道示變宜

應之以德今雖空西州恐無益也不從懷文懷遠之兄也八月魏平西將軍漁陽公尉眷擊伊吾克其城大

獲而還

李寶以伊吾敦煌降魏寶既入朝伊吾復叛故擊之尉紆勿翻還從宣翻又如字

九

月壬戌以丹陽尹劉遵考為尚書右僕射冬十月甲

申魏主還平城

亦不書所如之地

丙午太傅義恭進位太宰

領司徒十一月魏以尚書西平王源賀為冀州刺史

更賜爵隴西王

更工  
衡翻

賀上言今北虜遊寇南寇負險疆

場之間猶須防戍

場音  
亦

臣愚以為自非大逆赤手殺人

其坐贓盜及過誤應入死者皆可原宥謫使守邊則是

已斷之體受更生之恩徭役之家蒙休息之惠魏高宗

從之久之謂群臣曰吾用賀言一歲所活不少

少詩  
沼翻增

戍兵亦多卿等人人如賀朕何憂哉會武邑人石華告

賀謀反

武邑縣前漢屬信都後漢屬安平晉武帝分  
立武邑郡至隋唐為武邑武彊衡水三縣地

有

司以聞帝曰賀竭誠事國朕為卿等保之

為于  
偽翻

無此明



矣命精加訊驗華果引誣

自引服誣告之罪

帝誅之因謂左右

曰以賀忠誠猶不免誣謗不及賀者可無慎哉 十二

月濮陽太守姜龍駒新平太守楊自倫弃郡奔魏

按沈約志

濮陽新平皆屬兗州而不載治所蓋僞郡也新平郡又明帝泰始七年立當考又按五代志鄆城縣舊置濮陽

郡濮博木翻

上欲移青冀二州併鎮歷城議者多不同青

冀二州刺史垣護之曰青州北有河濟

濟子禮翻

又多陂澤

非虜所向每來寇掠必由歷城二州并鎮此經遠之略

也北又近河歸順者易

近其靳翻易以鼓翻

近息民患遠申主威

安邊之上計也由是遂定

青州本治東陽冀州治歷城今并為一鎮

元嘉

中官鑄四銖錢輪郭形制與五銖同用費無利

言鑄一錢之費

適當一錢之用無贏利也

故民不盜鑄及上即位又鑄孝建四銖形

式薄小輪郭不成

錢外圓為輪內方為郭

於是盜鑄者衆雜以鉛

錫翦鑿古錢錢轉薄小守宰不能禁坐死免者相繼盜

鑄益甚物價踊貴朝廷患之去歲春詔錢薄小無輪郭

者悉不得行民間喧擾是歲始興郡公沈慶之建議以

為宜聽民鑄錢郡縣置錢署樂鑄之家皆居署內

樂音洛

平其準式去其雜偽

呂去羌翻

去春所禁新品一時施用今

鑄悉依此格萬稅三千嚴檢盜鑄

檢東也  
勘察也

丹陽尹顏竣

駁之

竣七倫翻  
駁多角翻

以為五銖輕重定於漢世

漢武帝元狩  
五年行五銖

錢魏晉以降莫之能改誠以物貨既均改之偽生故也

今云去春所禁一時施用若巨細摠行而不從公鑄利

已既深情偽無極私鑄翦鑿盡不可禁財貨未贍大錢

已竭數歲之間悉為塵土矣今新禁初行品式未一須

臾自止不足以垂聖慮唯府藏空匱實為重憂

藏徂浪  
翻下同

今縱行細錢官無益賦之理百姓雖贍

贍昌  
豔翻

無解官乏

唯簡費去華

去羌  
呂翻

專在節儉求贍之道莫此為貴耳議

者又以為銅轉難得欲鑄二銖錢竣曰議者以為官藏

空虛宜更改鑄天下銅少宜減錢式以救交弊

官藏空  
虛無錢

以贍用而天下銅少又無以鑄錢是交弊也

議者緣此欲改鑄小錢以救之少詩沼翻

賑富也又舉救也舒

緩也寬也賑津忍翻 愚以為不然今鑄二銖恣行新細

於官無解於乏而民間姦巧大興天下之貨將糜碎至

盡空嚴立禁而利深難絕不一二年其弊不可復救

言不

待一二年而弊甚也復扶又翻

民懲大錢之改兼畏近日新禁市井之

間必生紛擾遠利未聞切患猥及富商得志貧民困窘

此皆甚不可者也乃止

窘渠  
隕翻

魏定州刺史高陽許宗

之求取不節深澤民馬超謗毀宗之

深澤縣前漢屬涿郡後漢屬安平晉

以來屬博陵郡後魏博陵郡屬定州唐以博陵郡為定州後分定州置祁州深澤縣屬焉

宗之毆殺

超

毆鳥口  
翻擊也

恐其家人告狀上超詆訕朝政

上時  
掌翻

魏高宗

曰此必妄也

魏字  
衍

朕為天下主何惡於超而有此言

惡  
烏

路  
翻

必宗之懼罪誣超案驗果然斬宗之於都南金紫

光祿大夫顏延之卒延之子竣貴重凡所資供

供居用翻

延

之一無所受布衣茅屋蕭然如故常乘羸牛笨車

笨部木翻

竹裏也一曰不精也

逢竣鹵簿即屏住道側

導從之次第曰鹵簿屏必郢翻

常語

竣曰吾平生不意見要人

語牛倨翻意許記翻

今不幸見汝竣起

宅延之謂曰善為之無令後人笑汝拙也延之嘗早詣

竣見賓客盈門竣尚未起延之怒曰汝出糞土之中升

雲霞之上遽驕傲如此其能久乎

物忌盛滿顏竣之禍其父知之矣

竣

丁父憂

丁當也郭璞曰值也

裁踰月起為右將軍丹陽尹如故竣

固辭表十上

上時掌翻

上不許遣中書舍人戴明寶抱竣登

車載之郡舍

之往也郡舍丹陽尹廨也

賜以布衣一襲絮以綵綸遣

主衣就衣諸體

主衣主御衣服唐尚衣奉御之職也就衣於既翻

大明元年春正月辛亥朔改元大赦壬戌魏主敗於

崞山

崞山在雁門郡崞縣崞古博翻

戊辰還平城

魏以漁陽王尉眷

為太尉錄尚書事

尉紆勿翻

二月魏人寇兗州向無鹽敗

東平太守南陽劉胡

無鹽縣自漢以來屬東平郡敗補邁翻

詔遣太子左

衛率薛安都將騎兵東陽太守沈法系將水軍向彭城

以禦之

率所律翻將即亮翻騎奇寄翻

並受徐州刺史申坦節度比至

比必利翻及也

魏兵已去先是羣盜聚任城荆榛中累世為患

謂之任榛

先悉薦翻任音壬任城縣前漢屬東平郡後漢分為任城國後遂為郡宋省郡為任城縣

屬高平郡

申坦請回軍討之上許之任榛聞之皆逃散時天

旱人馬渴乏無功而還

還從宣翻又如字

安都法系坐白衣領

職坦當誅羣臣為請莫能得

為于偽翻

沈慶之抱坦哭於市

曰汝無辜而死我哭汝於市行當就汝矣有司以聞上

乃免之三月庚申魏主畋於松山已已還平城魏



主立其弟新成為陽平王 上自即吉之後

三年之喪既除而即

吉

奢淫自恣多所興造丹陽尹顏竣以藩朝舊臣

上為藩王

時竣為僚佐是藩朝舊臣也晉宋之間郡曰郡朝府曰

府朝藩王曰藩朝宋武帝為宋王齊高帝為齊王時曰

霸朝朝直

數懇切諫爭

數所角翻爭則迭翻

無所回避上浸不悅

遙翻下同

竣自謂才足幹時恩舊莫比當居中永執朝政而所陳

多不納疑上欲疎之乃求外出以占上意夏六月丁亥

詔以竣為東揚州刺史竣始大懼

為帝殺竣張本

癸卯魏主

如陰山 雍州所統多僑郡縣

雍於用翻下同

刺史王玄謨上

言僑郡縣無有境土新舊錯亂租課不時請皆土斷

丁斷

亂翻秋七月辛未詔并雍州三郡十六縣為一郡郡縣流

民不願屬籍

屬土著之籍也

訛言玄謨欲反時柳元景宗彊羣

從多為雍部二千石

柳元景河東解人南徙僑居于雍部羣從羣從兄弟從才用翻

乘

聲皆欲討玄謨玄謨令內外晏然以解衆惑馳使啓上

具陳本末

使疏吏翻

上知其虛遣主書吳喜撫慰之

主書後漢尚書

令史之職漢尚書曹有主書令史二

且報曰七十老公

十一人江左以來中書省有主書

反欲何求君臣之際足以相保聊復為笑伸卿眉頭耳

復扶  
又翻

玄謨性嚴未嘗妄笑故上以此戲之 八月己亥

魏主還平城 甲辰徙司空南徐州刺史竟陵王誕為

南兖州刺史以太子詹事劉延孫為南徐州刺史初高

祖遺詔以京口要地去建康密邇自非宗室近親不得

居之延孫之先雖與高祖同源而高祖屬彭城延孫屬

莒縣

南史延孫傳作呂縣呂縣屬彭城郡而莒縣屬東莞郡詳而考之呂縣為是彭城呂二縣並屬彭城

郡延孫與帝室同源同郡特異縣耳

從來不序昭穆

昭讀如字

上既命延孫鎮

京口仍詔與延孫合族使諸王皆序長幼

長知兩翻

上閨門

無禮不擇親疎尊卑流聞民間無所不至誕寬而有禮

又誅太子劭丞相義宣皆有大功

誕起兵討劭見上卷  
文帝元嘉三十年勸

止上迎義  
宣事見上

人心竊向之誕多聚才力之士蓄精甲利兵

上由是畏而忌之不欲誕居中使出鎮京口猶嫌其逼

更徙之廣陵

南兖州時  
治廣陵

以延孫腹心之臣使鎮京口以

防之

為帝討  
誕張本

魏主將東巡冬十月詔太宰常英起行

宮於遼西黃山

魏收地形志遼西  
郡肥如縣有黃山

十二月丁亥更以

順陽王休範為桂陽王

休範孝建三年封  
順陽王更王衡翻

二年春正

月丙午朔魏設酒禁釀酤飲者皆斬之

釀者酤者飲者皆斬

吉凶

之會聽開禁有程曰魏主以士民多因酒致鬪及議國

政故禁之增置內外候官伺察諸曹及州鎮

魏自道武帝以來有

候官今增其負伺相吏翻

或微服雜亂於府寺間以求百官過失有

司窮治訊掠取服

治直之翻

百官賊滿二丈者皆斬又增律

七十九章

乙卯魏主如廣甯溫泉宮遂巡平州

魏平州之

地止遼西北平二郡

庚午至黃山宮二月丙子登碣石山觀滄海

戊寅南如信都畋於廣川

廣川縣前漢屬廣川國後漢屬清河郡晉屬勃海郡魏收

地形志屬長樂郡長樂即信都也五代志曰北齊廢廣  
川入東疆劉昫曰隋於舊縣東八十里置新縣尋改為  
長河縣  
屬德州  
乙酉以金紫光祿大夫褚湛之為尚書左僕

射  
丙戌建平宣簡王宏以疾解尚書令三月丁未卒

丙辰魏高宗還平城起太華殿

酈道元曰魏太和十  
六年破太華安昌諸

殿造太極殿東  
西堂及朝堂

是時給事中郭善明性傾巧說帝大起

宮室

說翰  
芮翻

中書侍郎高允諫曰太祖始建都邑其所營

立必因農隙况建國已久永安前殿足以朝會

朝直  
遙翻

西

堂温室足以宴息紫樓足以臨望縱有修廣亦宜馴致

易曰馴致其道向秀曰馴從也程頤曰馴謂習習而漸至於盛馴似遵翻

不可倉猝今計所

當役凡二萬人老弱供餉又當倍之期半年可畢一夫

不耕或受之飢況四萬人之勞費可勝道乎

勝音升

此陛

下所宜留心也帝納之允好切諫朝廷事有不便允輒

求見帝常屏左右以待之

好呼到翻屏必郢翻屏左右者欲其言無不盡

或自

朝至暮或連日不出羣臣莫知其所言語或痛切帝所

不忍聞命左右扶出然終善遇之時有上事為微訐者

帝省之

上時掌翻訐居謁翻省悉景翻

謂羣臣曰君父一也父有過子

何不作書於衆中諫之而於私室屏處諫者

屏蔽也屏處隱蔽之

處屏必

豈非不欲其父之惡彰於外邪至於事君何獨

郢翻

不然君有得失不能面陳而上表顯諫欲以彰君之短

明已之直此豈忠臣所為乎如高允者乃忠臣也朕有

過未嘗不面言至有朕所不堪聞者允皆無所避朕知

其過而天下不知可不謂忠乎允所與同徵者游雅等

徵允等見一百二十

二卷文帝元嘉八年

皆至大官封侯部下吏至刺史二

千石者亦數十百人

部下吏謂中書之吏嘗事允在部下者

而允為郎二



十七年不徙官

魏世祖神麤四年允徵拜中書博士領著作郎至是年二十五年耳

帝謂

羣臣曰汝等雖執弓刀在朕左右徒立耳

言徒能侍立而不能規諫

未嘗有一言規正唯伺朕喜悅之際

伺相吏翻

祈官乞爵今

皆無功而至王公允執筆佐我國家數十年為益不小

不過為郎汝等不自愧乎乃拜允中書令

上云二十七年不徙官意

允拜中書令

時魏百官無祿允常使諸子樵采以自給

不在是年

司徒陸麗言於帝曰高允雖蒙寵待而家貧妻子不立

立成也置也建也謂

不能建置家業也

帝曰公何不先言今見朕用之乃

言其貧乎即日至允第惟艸屋數間布被緼袍

孔安國曰緼枲

著也謂雜用枲麻以著袍禮記曰緼為袍鄭康成注曰緼舊絮也又亂麻緼於粉翻

厨中鹽菜而

已帝歎息賜帛五百匹粟千斛拜長子悅為長樂太守

樂音洛守手又翻

允固辭不許帝重允常呼為令公而不名游

雅常曰前史稱卓子康劉文饒之為人

卓茂字子康劉寬字文饒

編

心者或不之信

編補典翻

余與高子游處四十年

處昌呂翻

未嘗

見其喜愠之色

愠於問翻

乃知古人為不誣耳高子內文明

而外柔順其言呐呐不能出口

呐如悅翻又奴劣翻呐呐言緩也

管崔

司徒嘗謂余云高生豐才博學一代佳士所乏者矯矯風節耳余亦以為然及司徒得臯起於纖微詔指臨責司徒聲嘶股栗殆不能言

嘶先齊翻聲破曰嘶

宗欽已下伏地流

汗皆無人色高子獨敷陳事理申釋是非辭義清辯音

韵高亮人主為之動容聽者無不神聳

事見一百二十五卷文帝元嘉

二十七年為于偽翻

此非所謂矯矯者乎宗愛方用事威振四海

嘗召百官於都坐

魏有都坐大官魏之都坐猶唐之朝堂也或曰都坐尚書都坐即唐之政

事堂坐徂卧翻

王公已下皆趨庭望拜高子獨升階長揖由此

觀之汲長孺可以卧見衛青何抗禮之有

言以高允之揖宗愛觀之

則汲黯可以卧見衛青與之抗禮未為過也汲黯字長孺抗禮事見十九卷漢武帝元朔五年

此非所

謂風節者乎夫人固未易知

易以鼓翻

吾既失之於心崔又

漏之於外

發之於言則是漏之於外

此乃管仲所以致慟於鮑叔也

管仲曰生我者父母知我者鮑子也致慟蓋感其知己之深

乙丑魏東平成王陸

侯卒 夏四月甲申立皇子子綏為安陸王 帝不欲

權在臣下六月戊寅分吏部尚書置二人

吏部尚書掌銓選以其權

重江左謂之大尚書言其位任與諸曹殊絕也今置二人以分其權

以都官尚書謝莊度

支尚書吳郡顧凱之為之

漢置六曹尚書中都官曹主水火盜賊事魏晉省宋復置

隋改都官為刑部尚書改度支為民部尚書唐避太宗諱改民部為戶部度徒洛翻

又省

五兵尚書

曹魏置五兵尚書隋改曰兵部尚書

初晉世散騎常侍選望甚

重

上之所選簡為選時之所瞻屬為望散悉置翻騎奇寄翻

與侍中不異其後職任

閑散

散悉但翻

用人漸輕上欲重其選乃用當時名士臨海

太守孔覲司徒長史王彧為之

彧於六翻

侍中蔡興宗謂人

曰選曹要重常侍閒淡改之以名而不以實雖主意欲

為輕重人心豈可變邪既而常侍之選復卑選部之貴

不異

言選部貴重與前時無以異也選部須綰翻復扶又翻

覬琳之之孫

孔琳之事桓玄

不務迎合諫其廢錢用穀帛復肉刑

或謚之兄孫興宗廓之子也

王謚識武帝於

龍潛蔡廓以方

直著於宋初

裴子野論曰官人之難先王言之尚矣

書臯陶曰在知人禹曰惟

帝其難之知人則哲能官人

周禮始於學校

校戶教翻

論之州里告諸

六事而後貢于王庭

六事周之六卿也

其在漢家州郡積其

功能五府舉為掾屬

掾以綰翻

三公參其得失尚書奏之

天子一人之身所閱者衆

閱更歷也

故能官得其才鮮有

敗事

鮮息  
淺翻

魏晉易是所失弘多

弘大也

夫厚貌深衷險

如谿壑擇言觀行猶懼弗周况今萬品千羣俄折乎

一面

行下孟翻下戒行同折之列  
翻斷也一面一觀面之頃也

庶僚百位專斷於

一司

一司謂選部  
斷丁亂翻

于是囂風遂行不可抑止

囂風謂  
喧競之

風

干進務得兼加諂瀆

易大傳曰君子上交不諂下交不瀆

無復廉恥

之風謹厚之操官邪國敗

左傳曰國家之敗由官邪也復扶又翻

不可

紀綱假使龍作納言

尚書古之  
納言也

舜居南面而治致平

章不可必也

堯典曰平章百姓孔注曰百姓百官平  
和章明不可必言不可必致也治直吏

翻况後之官人者哉孝武雖分曹為兩

謂吏部置兩尚書

不

能反之於周漢朝三暮四其庸愈乎

莊子曰狙公賦茅曰朝三而暮

四衆狙皆怒曰然則朝四而暮三衆狙皆喜名實未虧而喜怒為用

丙申魏主畋于松山庚午如河西南彭城民高閣

晉氏

南渡僑立南彭城郡於晉陵界闕視遮翻

沙門曇標以妖妄相扇

曇徒含翻妖於遙翻

與殿中將軍苗允等謀作亂立閹為帝事覺甲辰皆伏

誅死者數十人於是下詔沙汰諸沙門設諸科禁嚴其

誅坐自非戒行精苦並使還俗

行下孟翻

而諸尼多出入宮



掖此制竟不能行中書令王僧達幼聰警能文而跌蕩

不拘

跌徒結翻蕩徒浪翻不拘言其不拘常檢也

帝初踐阼擢為僕射居顏

劉之右

顏竣劉延孫帝之腹心也

自負才地

地謂門地

謂當時莫及一二

年間即望宰相既而遷護軍怏怏不得志

怏於兩翻

累啓求

出上不悅由是稍稍下遷五歲七徙

七徙官也

再被彈削僧

達既恥且怨所上表奏辭旨抑揚又好非議朝政

上時掌翻

好呼到翻朝直逢翻

上已積憤怒路太后兄子嘗詣僧達趨升其

榻僧達令舁弃之

路太后兄慶之嘗為王氏門下驎故僧達麾其子舁音余又羊茹翻對舉

也孔光屈身於董賢以保其祿位人以為諂王僧達抗意於路瓊之以殺其身人以為躁遠小人不惡而嚴君子蓋必

有道也太后大怒固邀上令必殺僧達會高閹反上因誣僧達與閹通謀八月丙戌收付廷尉賜死

沈約論曰夫君子小人類物之通稱蹈道則為君子

違之則為小人

稱尺證翻

是以太公起屠釣為周師傳說

去板築為殷相

太公屠牛于朝歌釣于渭濱周文王迎以為師傳說築于傅巖之野殷高

宗求以為相說於悅翻相息亮翻

明敷幽仄

書曰明明揚側陋敷與揚同

唯才是

與逮于二漢茲道未革胡廣累世農夫致位公相黃

憲牛醫之子名重京師非若晚代分為二途也魏武

始立九品蓋以論人才優劣

詳見八十一卷晉武帝太康五年

非謂

世族高卑而都正俗士隨時俯仰憑藉世資用相陵

駕

都正謂諸州中正也

因此相沿遂為成法周漢之道以智役

愚魏晉以來以貴役賤士庶之科較然有辨矣 裴

子野論曰古者德義可尊無擇負販苟非其人何取

世族名公子孫還齊布衣之伍士庶雖分本無華素

之隔

華榮也輝也故榮貴之族謂之華宗其子弟謂之華胄素白也質也故白屋謂之素門寒士謂

士之素

自晉以來其流稍改艸澤之士猶顯清途降及

季年專限閥閱

史記明其等曰閥積其功曰閱又自門在左曰閥在右曰閱閥音伐

自

是三公之子傲九棘之家

周禮朝士掌外朝之法左九棘孤卿大夫位焉右九

棘公侯伯子男位焉後

世直謂九棘為九卿

黃散之孫茂令長之室

散悉

長知

轉相驕矜互爭銖兩唯論門戶不問賢能以謝

兩翻

靈運王僧達之才華輕躁使其生自寒宗猶將覆折

折而

重以怙其庇廕召禍宜哉

重直

設翻

九月乙巳魏主還平城

自河西還

丙寅魏大赦

冬十月

甲戌魏主北巡欲伐柔然至陰山會雨雪魏主欲還太

尉尉眷曰今動大衆以威北敵去都不遠而車駕遽還

敵必疑我有內難

尉尉下紆勿翻難乃旦翻

將士雖寒不可不進魏

主從之辛卯軍于車輪山

車輪山北史作車輪山魏收地形志秀容郡敷城縣有車

輪泉神

積射將軍殷孝祖築兩城於清水之東

文帝元嘉九年

置積射彊弩等將軍沈

約曰晉太康十年置

魏鎮西將軍封敕文攻之清口

戊主振威將軍傅乾愛拒破之孝祖羨之曾孫也

殷羨殷浩

之上遣虎賁主龐孟蚪救清口

虎賁主主虎賁主賁音奔考異曰宋顏師伯

傳云魏遣清水公捨責敕文寇清口世祖遣孟蚪及殷孝祖赴討魏本紀孝祖修兩城於清水東詔封敕文擊之今青冀二州刺史顏師伯遣中兵參軍苟思達助之從之

敗魏兵於沙溝

按此清口非清水入淮之口乃濟水與汶水合之口水經濟水東北過壽張縣

西安民亭南汝水從東北來注之注云戴延之所謂清口也濟水又北過須昌穀城臨邑盧縣又東北與中川水合注云中川水與賓溪水合而北流逕盧縣故城東又北流入濟俗謂之沙溝水敗補邁翻

師伯竣

之族兄也上遣司空參軍卜天生將兵會傅乾愛及中

兵參軍江方興共擊魏兵屢破之

江方興蓋司空中兵參軍將即亮翻下同

斬魏將窟瓌公等數人

窟苦骨翻瓌姑回翻

十一月魏征西將軍

皮豹子等將三萬騎助封敕文寇青州顏師伯禦之輔

國將軍焦度刺豹子墜馬獲其鎧稍具裝手殺數十人

度本南安氏也

刺七亦翻鎧苦  
亥翻稍邑角翻

魏主自將騎十萬車

十五萬兩擊柔然度大漠旌旗千里柔然處羅可汗遠

遁其別部烏朱駕頽等帥數千落降于魏

騎奇寄翻兩  
音亮可從刊

入聲汗音寒帥讀  
曰率降戶江翻

魏主刻石紀功而還

還從  
宣翻

初上在

江州山陰戴法興戴明寶蔡閑為典籤及即位皆以為

南臺侍御史兼中書通事舍人

御史臺謂之南臺晉初  
置中書舍人通事各一

人江左令舍人通事謂之通事舍人掌呈奏案又掌詔命

是歲三典籤並以初舉兵

預密謀賜爵縣男閑已卒追賜之時上親覽朝政

朝直遙翻

不任大臣而腹心耳目不得無所委寄法興頗知古今

素見親待魯郡巢尚之人士之末涉獵文史為上所知

亦以為中書通事舍人凡選授誅賞大處分

處昌呂翻分扶問翻

下定上皆與法興尚之參懷

宋齊之間凡參決機務率皆謂之參懷

內外

雜事多委明寶三人權重當時而法興明寶大納貨賄

凡所薦達言無不行天下輻湊門外成市家產並累千



金吏部尚書顧覲之獨不降意於法興等蔡興宗與覲

之善嫌其風節太峻覲之曰辛毗有言孫劉不過使吾

不為三公耳

魏明帝時劉放孫資制斷時政大臣莫不交好而辛毗不與往來毗子敞諫曰劉孫

用事衆皆影附大人宜少降意不然必有謗言毗正色曰吾之立身自有本末就與孫劉不平不過不為三公大丈夫欲為公而毀其高節邪

覲之常以為人稟命有定分

分扶問翻

非智力可移唯應恭已守道而闇者不達妄意僥倖

僥倖堅

堯徒虧雅道無關得喪

喪息浪翻

乃以其意命弟子原著定

命論以釋之

原南史作愿

資治通鑑卷一百二十八

欽定四庫全書薈要卷七千一百十五

史部

資治通鑑卷一百二十九

宋 司馬光 撰

胡三省 音註

宋紀十一

起屠維大淵獻盡閏逢執徐凡六年

世祖孝武皇帝下

大明三年春正月己巳朔兗州兵與魏皮豹子戰于高平兗州兵不利 己丑以驃騎將軍柳元景為尚書令

驃 匹妙翻  
騎 奇寄翻

右僕射劉遵考為領軍將軍 己酉魏河南

公伊馘卒

馘蒲撥翻  
卒子恤翻

三月乙卯以揚州六郡為王畿

六郡丹楊淮南宣城  
吳郡吳興義興也

更以東揚州為揚州徙治會稽

置東

揚州見上卷  
孝建元年會工外翻

猶以星變故也

星變見上卷  
孝建三年

三月

庚寅以義興太守垣閭為兗州刺史閭遵之子也

垣遵即垣

苗也武帝西征長安使遵守洛當城城據  
河濟之會後人謂之垣苗城守式又翻

夏四月乙

巳魏主立其弟子推為京兆王 竟陵王誕知上意忌

之亦潛為之備因魏人入寇修城浚隍聚糧治仗

治直之翻

誕記室參軍江智淵知誕有異志請假先還建康

假古訝翻

假休  
假也

上以為中書侍郎智淵夷之弟子也

江夷江湛之  
父夷之弟曰

僧

少有操行

少詩照翻操七  
到翻行下孟翻

沈懷文每稱之曰人所應

有盡有人所應無盡無者其唯江智淵乎是時道路皆

云誕反會吳郡民劉成上書稱息道龍昔事誕

息子

見

誕在石頭城修乘輿灋物習唱警蹕

此蓋言誕為揚州  
刺史時誕時一心

奉上必無是事劉成  
誣告之也乘繩證翻

道龍憂懼私與伴侶言之誕殺道

龍

考異曰宋畧作  
道就今從宋書

又豫章民陳談之上書稱弟詠之

在誕左右見誕書陛下年紀諱往巫鄭師鄰家祝詛

祝職叔翻詠之密以啟聞誕誣詠之乘酒罵詈殺之

劉道

龍陳談之益先皆為誕所殺其父兄希指誣告以報子弟之讐耳詈力智翻

上乃令有司奏

誕罪惡請收付廷尉治罪

治直之翻

乙卯詔貶誕爵為侯遣

之國詔書未下

下遐稼翻

先以羽林禁兵配兗州刺史垣閭

使以之鎮為名與給事中戴明寶襲誕閭至廣陵誕未

悟也明寶夜報誕典籤蔣成使明晨開門為內應成以

告府舍人許宗之

宗之竟陵王府舍人也

宗之入告誕誕驚起呼

左右及素所畜養數百人

畜許六翻

執蔣成勒兵自衛天將

曉明寶與閻帥精兵數百人猝至而門不開誕已列兵

登陴

帥讀曰率  
陴頻彌翻

自在門上斬蔣成赦作徒繫囚

作徒坐  
徒罪居

作者繫囚逮  
捕在獄者

開門擊閻殺之

考異曰宋畧云已亥殺  
閻按本紀乙卯貶誕爵今

從之明寶從間道逃還

間古  
覓翻

詔內外纂嚴

考畧曰宋畧  
乙亥纂嚴按長

歷是月戊戌朔無  
乙亥蓋已亥也

以始興公沈慶之為車騎大將軍開

府儀同三司南兖州刺史將兵討誕

騎奇寄翻將  
即亮翻下同

甲子

上親總禁兵頓宣武堂司州刺史劉季之誕故將也

誕為

會稽季之為參軍及起  
兵討元凶以季之為將

素與都督宗慤有隙

宗慤為豫  
州兼督司

司聞誕反恐為慙所害委官間道自歸朝廷至盱眙

盱眙太守鄭瑗疑李之與誕同謀邀殺之

盱眙音怡

沈慶之

至歐陽

水經注曰吳城邦溝通江淮自永和中江都水斷其水上承歐陽引江入埭六十里至廣陵城

余據此地則今之真州閘也

誕遣慶之宗人沈道愍齎書說慶之餉

以玉環刀慶之遣道愍反數以罪惡誕焚郭邑驅居民

悉使入城閉門自守

說輸芮翻數所具翻守手又翻

分遣書檄邀結遠

近時山陽內史梁曠家在廣陵誕執其妻子遣使邀曠

曠斬使拒之

使疏吏翻

誕怒滅其家誕奉表投之城外曰陛



下信用讒言遂令無名小人來相掩襲不任枉酷

任音士

即加誅翦雀鼠偷生仰違詔勅今親勒部曲鎮扞徐兗

先經何福同生皇家

誕於帝同氣也故云然

今有何愆便成胡越

陵鋒蹈戈萬沒豈顧

萬沒猶言萬死也

盪定之期冀在旦夕又

曰陛下宮帷之醜豈可三緘

家語孔子觀周入后稷之廟有金人三緘其口而銘

其背曰古之慎言人也

上大怒凡誕左右腹心同籍暮親在建康

者並誅之

同籍諸同宗屬之籍者暮親謂暮喪之親也

死者以千數或有家

人已死方自城內出奔者慶之至城下誕登樓謂之曰

沈公垂白之年

白髮下垂故曰垂白

何苦來此慶之曰朝廷以君

狂愚不足勞少壯故耳

少詩照翻

上慮誕奔魏使慶之斷其

走路

斷音短

慶之移營白土去城十八里又進軍新亭

此新

亭在廣陵城外非建康之新亭也

豫州刺史宗慤徐州刺史劉道隆並

帥衆來會

帥讀曰率

兗州刺史沈僧明慶之兄子也亦遣兵

助慶之先是誕誑其衆云宗慤助我慤至繞城躍馬呼

曰我宗慤也

先悉薦翻呼火故翻誑居况翻

誕見諸軍大集欲棄城北

走留中兵參軍申靈賜守廣陵自將步騎數百人

將即亮翻

騎奇

寄翻 親信並自隨聲云出戰邪趨海陵道

晉安帝分廣陵立海陵郡

今泰州也誕自廣陵北門聲言出戰邪而趨東則海陵之路趨七喻翻

慶之遣龍驤將軍

武念追之

驤思將翻

誕行十餘里衆皆不欲去互請誕還城

誕曰我還易耳卿能為我盡力乎衆皆許諾誕乃復還

易以豉翻為于偽翻復扶又翻

築壇軟血以誓衆

軟色洽翻

凡府州文武皆

加秩

府司空竟陵王府州南兖州

以主簿劉琨之為中兵參軍琨之

導考之子也

劉導考時在朝為尚書右僕射

辭曰忠孝不得並琨之老

父在不敢承命誕囚之十餘日終不受乃殺之右衛將

軍垣護之虎賁中郎將殷孝祖等擊魏還至廣陵上並

使受慶之節度

賁音奔

慶之進營逼廣陵城誕餉慶之食

提挈者百餘人出自北門慶之不開視悉焚之誕於城

上授函表

授南史作投當從之

請慶之為送慶之曰我受詔討賊

不得為汝送表汝必欲歸死朝廷自應開門遣使吾為

汝護送

誕之為此以帝猜忍欲以間慶之也慶之峻絕之蓋亦自為謀耳為于偽翻

東楊

州刺史顏竣遭母憂送喪還都上恩待猶厚竣時對親

舊有怨言

竣七倫翻

或語及朝廷得失會王僧達得罪

僧達死見

上卷  
上年疑竣譖之將死具陳竣前後怨望誹謗之語上乃

使御史中丞庾徽之劾奏免竣官

鄭樵曰御史之名周官有之蓋掌贊書而

授法令非今任也戰國時秦趙澠池之會各命御史書事又淳于髡謂齊王曰御史在前則皆記事之任至秦

漢為糾察之任竣愈懼上啟陳謝且請生命上益怒詔荅曰卿

訕訐怨憤已孤本望乃復過煩思慮懼不自全

許居謁翻復扶

又翻下復沈同

豈為下事上誠節之至邪及竟陵王誕反上遂

誣竣與誕通謀五月收竣付廷尉先折其足

折而設翻

然後

賜死妻子徙交州至宮亭湖

宮亭湖即彭蠡湖在彭澤縣西

復沈其男

口沈持林翻顏竣失職怨望固為可罪而自尋陽東下之時保護之功不可忘也既殺其身又沈其男口孝

武帝亦少恩哉

六月戊申魏主如陰山 上命沈慶之為三

烽於桑里

桑里在廣陵城西南

若克外城舉一烽克內城舉兩烽

擒劉誕舉三烽璽書督趣前後相繼

璽斯氏翻趣讀曰促

慶之焚

其東門塞塹造攻道立行樓土山并諸攻具

塞悉則翻塹七艷翻

為樓車推進以攻城故曰行樓

值久雨不得攻城上使御史中丞庾徽

之奏免慶之官詔勿問以激之自四月至于秋七月雨

止城猶未拔上怒命太史擇日將自濟江討誕太宰義

恭固諫乃止誕初閉城拒使者

使疏吏翻

記室參軍山陰賀

弼固諫誕怒抽刀向之乃止誕遣兵出戰屢敗將佐多

踰城出降

將即亮翻降戶江翻下同

或勸弼宜早出弼曰公舉兵向

朝廷此事既不可從荷公厚恩又義無違背

荷下可翻背蒲妹翻

唯當以死明心耳乃飲藥自殺參軍何康之謀開門納

官軍不果斬關出降誕為高樓置康之母於其上暴露

之不與食母呼康之數日而死誕以中軍長史濮陽范

義為左司馬

濮博木翻

義母妻子皆在城內或謂義曰事必

不振

言誕必陷敗不能振起也

子其行乎義曰吾人吏也

人吏言為人之佐吏

子不可以棄母吏不可以叛君必若何康之而活吾弗

為也沈慶之帥眾攻城身先士卒親犯矢石

帥讀曰率先悉薦翻

乙巳克其外城乘勝而進又克小城誕聞兵入走趨後

園

趨七喻翻

隊主沈胤之等追及之擊傷誕墜水引出斬之

誕母妻皆自殺

誕母文帝殷修華妻徐妃

上聞廣陵平出宣陽門敕

左右皆呼萬歲侍中蔡興宗陪輦上顧曰卿何獨不呼

興宗正色曰陛下今日正應涕泣行誅豈得皆稱萬歲



謂同氣相殘乃天理人倫之變必  
若以義滅親應涕泣而行誅也

上不悅詔貶誕姓留

氏廣陵城中士民無大小悉命殺之沈慶之請自五尺

以下全之其餘男子皆死女子以為軍賞猶殺三千餘

口長水校尉宗越臨決皆先剝腸抉眼決於翻或笞面鞭

腹苦酒灌創然後斬之

苦酒蓋醢之類也創初良翻

越對之欣欣若

有所得

史言宗越之忍

上聚其首於石頭南岸為京觀

沈慶之蓋悉獻

其首故聚於石頭南岸觀古玩翻

侍中沈懷文諫不聽

史言當時近侍皆正人但諫不

行言不聽耳

初誕自知將敗使黃門呂曇濟與左右素所信

者將世子景粹匿於民間

將攜也 曇徒含翻

謂曰事若不濟思

相全脫如其不免可深埋之

謂深埋景粹之尸也

各分以金寶齎

送既出門並散走唯曇濟不去攜負景粹十餘日捕得

斬之臨川內史羊璿坐與誕素善下獄死

璿音旋下遐稼翻

擢

梁曠為後將軍贈劉琨之給事黃門侍郎蔡興宗奉旨

慰勞廣陵興宗與范義素善收斂其尸送喪歸豫章

范義

蓋寓居豫章也蔡興宗之先亦濟陽人勞力到翻斂力瞻翻

上謂曰卿何敢故觸王

憲興宗抗言對曰陛下自殺賊臣自葬故交何不可之

有上有慙色

兄弟朋友皆天倫也興宗能不  
忘故交而帝忍誅屠同氣故慙

宗越治軍

嚴善為營陳每數萬人止頓越自騎馬行前使軍人隨

其後馬止營合未嘗參差

治直之翻陳讀曰陣參初舍  
翻差义宜翻又初佳翻參差

不齊也

辛未大赦

廣陵既平  
故肆赦

丙子以丹陽尹劉秀之

為尚書右僕射 丙戌以南兗州刺史沈慶之為司空

刺史如故 八月庚戌魏主如雲中壬戌還平城 九

月壬辰築上林苑於玄武湖北

文帝元嘉二十二年築  
北隄立玄武湖於樂游

苑 初晉人築南郊壇於巳位尚書右丞徐爰以為非

禮詔徙於牛頭山西

牛頭山在今建康府上元縣南四十里兩峯如闕

直宮城

之午位及廢帝即位以舊地為吉復還故處

復扶又翻史終言之

帝又命尚書左丞荀萬秋造五路依金根車加羽葆蓋

五路之制與金根車不同加羽葆蓋愈非古矣沈約曰秦閔三代之車獨取殷制古曰桑根車秦曰金根車

四年春正月甲子朔魏大赦改元和平 乙亥上耕籍

田大赦 己卯詔祀郊廟初乘玉路 庚寅立皇子子

勛為晉安王

勛古勲字

子房為尋陽王子頊為歷陽王子鸞

為襄陽王

魏散騎侍郎馮闡來聘

散悉亶翻騎奇寄翻

二月

魏衛將軍樂安王良討河西叛胡

以下文叛胡詣長安首罪觀之此河西蓋

謂自龍門東至華陰河之西岸也

三月魏人寇北陰平

陰平道漢屬廣漢屬國都

尉晉武帝泰始中分立陰平郡宋分立南陰平北陰平二郡五代志普安郡陰平縣宋立北陰平郡宋白曰文州陰平郡戰國時氐羌所據永嘉之後羌虜數叛遂立郡以遏之輿地志云晉永嘉末太守王鑒以郡降李雄晉人於是悉流移於蜀漢其氐羌並屬楊茂搜此郡不復預受正朔故南史諸志悉無所錄其晉人流寓於蜀者仍於益州立南北二陰平寓於漢中者亦於梁州立南北二陰平

朱提太守楊歸子擊

破之

考異曰宋帝紀索虜寇北陰平孔提太守楊歸子擊破之宋畧云索虜寇壯降平朱太守楊歸子

擊破之按郡縣名無壯降平及孔提北陰平參酌二書當為朱提今按魏收地形志武都郡有孔提縣五代

志武都建威縣後周併西魏之孔堤郡及縣入焉此時  
魏人益寇北陰平之孔堤為北陰平太守楊歸子所破  
也當從宋紀朱提郡在南中時屬寧州去陰平甚遠蓋  
考異誤以宋紀宋畧二書所載合為朱提也當讀作孔  
提屬上句宋畧所謂壯降平亦北陰平三字  
字之誤朱字於下文無所附着當為衍字 甲申皇后親

桑于西郊皇太后觀禮 夏四月魏太后常氏殂

本保太后

尊為太后見一百二十七卷文帝元嘉三十年

五月癸丑魏葬昭太后於鳴雞

山 魏土地記曰下落城東北三十里有延河東流北有  
鳴雞山史記趙襄子殺代王于夏屋其姊為代王夫

人襄子迎之至此曰代已亡矣吾將安歸乎遂磨笄於  
山而自殺代人憐之為立祠焉因名為磨笄山每夜有  
野雞羣鳴于祠屋上故亦謂之鳴雞山杜佑  
曰媯州治懷戎縣有鳴雞山本名磨笄山

丙戌尚

書左僕射褚湛之卒 吐谷渾王拾寅兩受宋魏爵命

吐從職入聲谷音浴

居止出入擬於王者魏人忿之定陽侯曹安

表言拾寅今保白蘭若分軍出其左右必走保南山不

過十日人畜乏食可一舉而定六月甲午魏遣征西大

將軍陽平王新成等督統萬高平諸軍出南道南郡公

中山李惠等督涼州諸軍出北道以擊吐谷渾 魏崔

浩之誅也

見一百二十五卷宋文帝元嘉二十七年

史官遂廢至是復置

復扶

又翻

河西叛胡詣長安首罪

樂安王良兵威臨之故首罪首式又翻

魏遣

使者安慰之

秋七月遣使如魏

甲戌開府儀同三

司何尚之卒

壬午魏主如河西

魏軍至西平

西平漢落

都之地禿髮所都樂都即落都也唐為鄯州

吐谷渾王拾寅走保南山九月

魏軍濟河追之會疾疫引還獲雜畜三十餘萬

畜許又翻

庚午魏主還平城

丁亥徙襄陽王子鸞為新安王

冬十月庚寅詔沈慶之討緣江蠻

前廬陵內史周朗

言事切直

見一百二十七卷文帝元嘉三十年

上銜之使有司奏朗居母

喪不如禮傳送寧州

傳知戀翻又直戀翻

於道殺之朗之行也侍



中蔡興宗方在直請與朗別坐白衣領職

蔡興宗立於猜暴之朝葬

范義別周朗犯時主之怒而不加刑素行有以孚乎人也

十一月魏散騎常侍盧

度世等來聘

散悉亶翻騎奇寄翻

是歲上徵青冀二州刺史顏

師伯為侍中師伯以諂佞被親任

被皮義翻

羣臣莫及多納

貨賄家累千金上嘗與之搏菹上擲得雉自謂必勝師

伯次擲得盧

搏菹采名有黑犢有雉有盧得盧者勝

上失色師伯遽斂子

曰幾作盧

子五木也此亦師伯為佞之一端幾居希翻

是日師伯一輸百萬

柔然攻高昌殺沮渠安周滅沮渠氏

文帝元嘉十六年魏克凉州沮

渠無諱與弟安周西走保據高昌今為柔然所滅沮子余翻

以闕伯周為高昌王高

昌稱王自此始

五年春正月戊午朔朝賀

朝直遙翻

雪落太宰義恭衣有六

出義恭奏以為瑞上悅義恭以上猜暴懼不自容每卑

辭遜色曲意祇奉由是終上之世得免於禍 二月辛

卯魏主如中山丙午至鄴遂如信都 三月遣使如魏

使疏吏翻

魏主發并肆州民五千人治河西獵道

魏道武天賜二

年分并州北境為九原鎮太武真君七年置肆州宋白曰十三州志云漢末大亂匈奴侵邊自定襄已西盡雲

中鴈門之間遂空曹公集荒郡之戶聚之九原界以立  
新興郡領五原等縣即唐忻州定襄縣之地後魏書云  
太平二年置肆州寄理秀容城秀容縣忻  
州所治即漢末所置九原縣也治直之翻

辛巳還平城

夏四月癸巳更以西陽王子尚為豫章王 庚子詔

經始明堂直作大殿於丙巳之地制如太廟唯十有二

間為異 雍州刺史海陵王休茂年十七 雍於用翻 司馬新

野庾深之行府事休茂性急欲自專處決 處昌呂翻 深之及

主帥每禁之 主帥典籤也又齋內亦有 常懷忿恨左右

主帥謂之齋帥帥所類翻

張伯超有寵多罪惡主帥屢責之伯超懼說休茂曰

說輸

翻芮主帥密疏官過失欲以啟聞如此恐無好疏使去翻記也好如

字無好猶今人言無好處言將得罪也休茂曰為之奈何伯超曰惟有殺

行事及主帥行事謂庾深之江左率謂長史司馬行府州事者為行事舉兵自衛此

去都數千里雍州鎮襄陽去建康水行四千餘里縱大事不成不失入虜

中為王休茂從之丙午夜休茂與伯超等帥夾轂隊宋

王有夾轂隊蓋左右親兵也出則夾車為衛帥讀曰率下同殺典籤楊慶於城中出

金城殺深之及典籤戴雙徵集兵眾建牙馳檄使佐吏

上已為車騎大將軍開府儀同三司加黃鉞凡府州僚屬皆謂之

佐吏上時掌  
翻騎奇寄翻

侍讀博士荀詵諫

侍讀博士授諸王經者也詵疎臻翻

休茂

殺之伯超專任軍政生殺在已休茂左右曹萬期挺身

斫休茂不克而死休茂出城行營

行下孟翻  
巡行也

諮議參軍

沈暢之等帥衆閉門拒之休茂馳還不得入義成太守

薛繼考為休茂盡力攻城

為于偽翻義成太守  
治襄陽注詳見前

克之斬

暢之及同謀數十人其日參軍尹玄慶復起兵攻休茂

生擒斬之母妻皆自殺

復扶又翻休茂  
母文帝蔡美人

同黨伏誅城中

擾亂莫相統攝中兵參軍劉恭之秀之之弟也

劉秀之  
孝建元

年不附義宣時  
為尚書右僕射

衆共推行府州事繼考以兵脅恭之使

作啟事言繼考立義自乘驛還都上以為北中郎諮議

參軍賜爵冠軍侯

冠古  
玩翻

事尋泄伏誅以玄慶為射聲校

尉

校尸  
教翻

上自即位以來抑黜諸弟既克廣陵欲更峻其

科沈懷文曰漢明不使其子比光武之子前史以為美

談

見四十五卷漢明  
帝永平十五年

陛下既明管蔡之誅願崇唐衛之

寄

周成王既誅管叔因蔡叔封叔虞  
於唐封康叔於衛以藩屏周室

及襄陽平太宰義

恭探知上指請裁抑諸王不使任邊州及悉輸器甲禁

絕賓客沈懷文固諫以為不可乃止上畋遊無度嘗

出夜還敕開門侍中謝莊居守

守手又翻

以檠信或虛

檠音啟傳

也刻木為合符

執不奉旨須墨敕乃開

墨敕手敕也

上後因燕飲從

容曰卿欲效郅君章邪

郅憚字君章事見四十三卷漢光武建武十三年從平容翻

對曰臣聞王者祭祀畋遊出入有節今陛下晨往宵歸

宵夜也

臣恐不逞之徒妄生矯詐是以伏須神筆乃敢開

門耳

魏大旱詔州郡境內神無大小悉灑掃致禱

灑所

賣翻掃素報翻又各上聲

俟豐登各以其秩祭之於是羣祀之廢者

皆復其舊

魏罷羣祀見一百二十四卷文帝元嘉二十七年

秋七月戊寅魏

主立其弟小新成為濟陽王

大明元年魏主立其弟小新成為陽平王此小新成又

陽平王之弟也濟子禮翻

加征東大將軍鎮平原

平原河津之要時魏未得青齊故於

此置

天賜爲汝陰王加征南大將軍鎮虎牢

虎牢宋舊鎮爲司州

刺史治所魏得之置豫州

萬壽爲樂浪王加征北大將軍鎮和龍

和龍

燕舊都魏得之以爲鎮後爲營州樂浪音洛琅

洛侯爲廣平王

壬午魏主巡

山北八月丁丑還平城

戊子立皇子子仁爲永嘉王

子真爲始安王

九月甲寅朔日有食之

沈慶之固



讓司空柳元景固讓開府儀同三司詔許之仍命慶之

朝會位次司空俸祿依三司

朝直遙翻下同 考異曰宋畧此事在戊戌按長厯

是月甲寅朔無戊戌元景在從公之上

晉制文官光祿三大夫武官驃騎車騎衛將軍及諸

大將軍開府者位從公從才用翻

慶之目不知書家素富產業累萬金

童奴千計再獻錢千萬穀萬斛先有四宅又有園舍在

婁湖

按南史齊武帝永明元年望氣者云新林婁湖東府西有王氣正月甲子築青溪舊宮作新婁湖苑

以厭之則婁湖當在新林東府間也

慶之一夕攜子孫及中表親戚徙居

婁湖以四宅輸官慶之多蓄妓妾

妓渠綺翻

優游無事盡意

歡娛非朝賀不出門車馬率素從者不過三五人

從才用翻

遇之者不知其爲三公也 甲戌移南豫州治于湖

沈約

宋志曰晉江左胡寇彊盛豫部殲覆元帝永昌元年豫州刺史祖約自譙城退屯壽春成帝延和四年僞立豫州庾亮爲刺史鎮蕪湖咸康四年毛寶爲刺史鎮郗城八年庾懌爲刺史又鎮蕪湖穆帝永和元年刺史趙盾鎮牛渚二年刺史謝尚鎮蕪湖四年進屯壽春九年還鎮歷陽十一年進馬頭升平元年刺史謝奕戍譙哀帝隆和元年刺史袁真自譙退守壽春簡文咸安元年刺史桓熙戍歷陽孝武寧康元年刺史桓冲戍姑孰太元十年刺史朱序戍馬頭十二年刺史桓石虔戍歷陽安帝義熙二年刺史劉豫戍姑孰宋武帝欲開拓河南綏定豫土九年割揚州大江以西大雷以北悉屬豫州豫之基址因此而立十三年刺史劉義慶鎮壽陽永初二

年分淮東爲南豫州治壽陽淮西爲豫州文帝元嘉七年又分五年割揚州之淮南宣城又屬焉徙治姑孰今按自宋元以來分立兩豫豫州治淮西南豫治壽陽孝建之初魯爽以南豫州刺史鎮壽陽居然可知也移南豫州於姑孰寔在大明五年自永初至元嘉七年兩豫必嘗復合而所謂五年割揚州之淮南宣城又屬焉徙治姑孰者蓋指帝之大明五年後人傳寫沈志於文帝元嘉七年又分上下文皆有漏脫而劉義慶鎮壽陽通鑑在義熙十四年罷南豫州

入豫州在元嘉二十二年

丁丑以潯陽王子房爲南

豫州刺史 閏月戊子皇太子妃何氏卒謚曰獻妃

壬寅更以歷陽王子頊爲臨海王

子頊今從宋書考異曰宋畧作

冬十月甲寅以南徐州刺史劉延孫爲尚書左僕射右

僕射劉秀之爲雍州刺史

雍州用翻

乙卯以新安王子鸞

爲南徐州刺史子鸞母殷淑儀寵傾後宮子鸞愛冠諸

子

冠古玩翻

凡爲上所眄遇者莫不入子鸞之府

眄彌見翻或作盼

及爲南徐州割吳郡以屬之

吳郡自晉氏渡江以來屬揚州最爲近畿大郡初

巴陵王休若爲北徐州刺史以山陰張岱爲諮議參軍

行府州國事

諸幼王臨州率置行府州事此命岱并巴陵國事行之

後臨海王子

頊爲廣州預章王子尚爲揚州晉安王子勛爲南兖州

勛古勲翻

岱歷爲三府諮議三王行事與典籤主帥共事

帥所

類翻事舉而情不相失或謂岱曰主王既幼江左以來諸王出鎮僚屬

呼爲主王諸公府僚呼爲主公執事多門而每能緝和公私緝一作輯云何

致此岱曰古人言一心可以事百君我爲政端平待物

以禮悔吝之事無由而及明闇短長更是才用之多少

耳少詩及子鸞爲南徐州復以岱爲別駕行事復扶岱又翻

永之弟也魏員外散騎常侍游明根等來聘明根雅

之從祖弟也散悉亶翻騎寄翻從才用翻魏廣平王洛侯卒十

二月壬申以領軍將軍劉遵考爲尚書右僕射甲戌

制民戶歲輸布四匹 是歲詔士族雜婚者皆補將吏

雜婚謂與工商雜戶爲婚也將即亮翻

士族多避役逃亡乃嚴爲之制捕

得即斬之往往奔竄湖山爲盜賊

水則入湖陸則阻山皆依險而爲盜賊

沈懷文諫不聽

六年春正月癸未魏樂浪王萬壽卒

樂浪音洛琅

辛卯上

初祀五帝於明堂大赦 丁未策秀孝于中堂

秀孝秀才孝廉

也揚州秀才顧灋對策曰源清則流潔神聖則刑全

聖當

作王音于况翻刑當作形

躬化易於上風體訓速於草偃

顧法對策之意欲帝

謹厥身於宮帷衽席之間則可以化天下易以鼓翻

上覽之惡其諒也

許慎說文曰諒信也

諸儒說經者莫能易此義今此當以諒直爲義參考經典則直自是直諒自是諒惡烏路翻

投策於

地 二月乙卯復百官祿

文帝元嘉二十七年以軍興減內外百官俸三分之一繼

而國有內難日不暇給今始復百官祿

三月庚寅立皇子子元爲邵陵

王 初侍中沈懷文數以直諫忤旨

數所角翻忤五故翻

懷文素

與顏竣周朗善

竣七倫翻

上謂懷文曰竣若知我殺之亦當

不敢如此懷文嘿然侍中王或言次稱竣朗人才之美

懷文與相酬和

或於六翻和胡卧翻

顏師伯以白上上益不悅上

嘗出射雉

自曹魏以來人主率好自出射雉射而亦翻

風雨驟至懷文與王

或江智淵約相與諫會召入雉場懷文曰風雨如此非

聖躬所宜冒或曰懷文所啟宜從智淵未及言上注弩

作色曰卿欲效顏竣邪何以恒知人事

恒戶登翻

又曰顏竣

小子恨不先鞭其面每上燕集在坐者皆令沈醉

卧坐徂翻

沈持林翻

嘲謔無度

謔迄却翻

懷文素不飲酒又不好戲調

好呼到翻

調田聊翻

上謂故欲異已謝莊嘗戒懷文曰卿每與人異亦

何可久懷文曰吾少來如此

少詩照翻

豈可一朝而變非欲



異物性所得耳上乃出懷文爲晉安王子勛征虜長史

子勛帶號征虜將軍以懷文爲長史

領廣陵太守

子勛鎮南兖州故懷文以長史領廣陵太守

懷文詣建康朝正

朝正謂赴元正朝會也朝直遙翻

事畢遣還

還從宣翻又如

字下同

以女病求申期

申重也申期重爲之期也

至是猶未發免官禁

錮十年懷文賣宅欲還東

懷文吳興人吳興在建康東

上聞大怒收

付廷尉丁未賜懷文死懷文三子澹淵冲行哭爲懷文

請命見者傷之

澹徒覽翻爲于僞翻

柳元景欲救懷文言於上曰

沈懷文三子塗炭不可見

見視也言其在塗炭之中不堪著眼也

願陛下

速正其罪

言速正其罪者婉而導之謂若正其罪當不至于死也

上竟殺之夏

四月淑儀殷氏卒

考異曰殷淑儀南郡王義宣女也義宣敗後帝密取之假姓殷氏左右

宣泄者多死或云貴妃是殷瑛家人入義宣家義宣敗入宮今從宋書

追拜貴妃謚曰宣

上痛悼不已精神爲之罔罔

罔罔失志也若有若無也爲于僞翻

頗廢政

事 五月壬寅太宰義恭解領司徒 六月辛酉東昌

文穆公劉延孫卒

沈約志廬陵郡有東昌國吳立隋開皇十一年省東昌入泰和縣

庚午魏主如陰山

魏石樓胡賀畧孫反

石樓胡即吐京胡也吐京

有石樓山隋廢吐京郡爲石樓縣唐屬隰州

長安鎮將陸真討平之

將即魏亮翻

主命真城長蛇鎮

長蛇鎮在南田縣東南有長蛇水唐隴州吳山縣即其地

氏豪仇

僣檀反

僣姑沃翻

真討平之卒城而還

卒子恤翻

秋七月壬寅

魏主如河西

乙未立皇子子雲爲晉陵王是日卒謚

曰孝

初晉庾冰議使沙門敬王者桓玄復述其議

復扶

又翻並不果行至是上使有司奏曰儒灋枝派名墨條分

班志儒家助人君順陰陽明教化游文於六經之中留意於仁義之際祖述堯舜憲章文武宗師仲尼以重其言於道最爲高法家信賞必罰以輔禮制名家正名名位不同禮亦異數墨家貴儉兼愛上賢右鬼非命尚同

至於崇親嚴上厥猷靡爽唯浮圖爲教反經提傳

釋氏自

西天竺來者爲經中國沙門譯而演其義者爲傳提拈撮也傳直戀翻

拘文蔽道在末彌

扇夫佛以謙卑自牧忠虔爲道寧有屈膝四輩而簡禮

二親

謂拜四輩而不拜父母也釋氏有所謂戒外四聖佛一也菩薩二也圓覺三也聲聞四也亦謂之四

輩

稽顙耆臘而直體萬乘者哉

沙門重戒臘以捨俗爲僧之年爲始耆老也直

體謂不屈身也稽音啟

臣等參議以爲沙門接見比當盡虔

比毗志翻

並也總也禮敬之容依其本俗九月戊寅制沙門致敬人主

及廢帝即位復舊乙未以尚書右僕射劉遵考爲左

僕射丹楊尹王僧朗爲右僕射僧朗或之父也冬十

月壬申葬宣貴妃於龍山

九域志江寧府有龍山山形似龍江寧府即建康

鑿

岡通道數十里民不堪役死亡甚衆

亡逃亡也

自江南葬埋

之盛未之有也又爲之別立廟

古者宗廟之制妾祔於妾祖姑漢氏以來薄太

后生文帝鉤弋夫人生昭帝皆就園置寢廟未嘗別立廟也史言帝溺於女寵縱情敗禮爲干僞翻

魏

員外散騎常侍游明根等來聘

辛巳加尚書令柳元

景司空

壬寅魏主還平城

自河西還也

南徐州從事史

范陽祖沖之

自漢以來諸州皆有從事史假佐

上言何承天歷疎舛猶

多

何承天撰歷見一百二十四卷文帝元嘉二十一年

更造新歷

更子衡翻

以爲舊灋

冬至日有定處未盈百載輒差二度

截子亥翻

今令冬至日

度歲歲微差將來久用無煩屢改又子爲辰首位在正

北虛爲北方列宿之中今歷上元日度發自虛一又日

辰之號甲子爲先今歷上元歲在甲子又承天灋日月

五星各自有元今灋交會遲疾悉以上元歲首爲始

所謂

今歷今灋皆祖冲之更造者也歷家分上元中元下元  
甲子各六十年凡一百八十年而下元甲子終又復於

上元  
甲子

上令善歷者難之不能屈會上晏駕不果施行

難乃

七年春正月丁亥以尚書右僕射王僧朗爲太常衛將

軍顏師伯爲尚書僕射上每因宴集使羣臣自相譌訐

以爲樂

譌人以成其過謂之譌發人之陰私謂之訐訐居謁翻樂音洛

吏部郎江智淵

素恬雅漸不會旨

會合也

嘗使智淵以王僧朗戲其子或

智淵正色曰恐不宜有此戲上怒曰江僧安癡人癡人

自相惜僧安智淵之父也智淵伏席流涕

古人畏聞父母名惟君所

無私諱今人雖各有家諱然稠人廣座中往往不敢以爲諱吾是以歎隋世以前人士猶爲近古也由是

恩寵大衰

武帝以是怒江智淵何異孫皓之怒韋昭邪

又議殷貴妃謚曰懷

上以爲不盡美甚銜之它日與羣臣乘馬至貴妃墓舉

鞭指墓前石柱

石柱墓表也

謂智淵曰此上不容有懷字智

淵益懼竟以憂卒

考異曰宋畧曰帝既以僧安辱智淵自是詆之無度智淵不堪其耻退

而自殺今從宋書

己丑以尚書令柳元景爲驃騎大將軍開

府儀同三司

驃匹妙翻騎奇寄翻

二月甲寅上巡南豫南兗二

州丁卯校獵於烏江

烏江縣始見於晉書屬淮南郡不記置立宋屬厯陽郡宋白曰晉太

康六年於東城界置烏江縣校戶教翻

壬戌大赦甲子如瓜步山壬申還

建康

夏四月甲子詔自非臨軍戰陳並不得專殺其



罪應重辟者

陳讀曰陣辟毗亦翻

皆先上須報

先上其罪狀待報乃行刑此漢法也

上時掌翻

違犯者以殺人論

五月丙子詔曰自今刺史守

宰動民興軍皆須手詔施行唯邊隅外警及姦豐內發

變起倉猝者不從此例

豐許觀翻

戊辰以左民尚書蔡興

宗

曹魏置左民尚書

左衛將軍袁粲爲吏部尚書粲淑之兄子

也

袁淑死於元凶劭之難

上好狎侮羣臣

好呼到翻

自太宰義恭以下

不免穢辱常呼金紫光祿大夫王玄謨爲老僮

江南人呼中州

人爲僮王玄謨太原人也故呼之爲老僮僮助庚翻

僕射劉秀之爲老慳顏師伯

爲齟

齟魚蹇翻露齒也

其餘短長肥瘦皆有稱目黃門侍郎宗

靈秀體肥拜起不便每至集會多所賜與欲其瞻謝傾

跽以爲歡笑

跽蒲北翻

又寵一崑崙奴

崑崙奴者言其狀似崑崙國人也崑崙國

在林邑南崑崙昆翻

令以杖擊羣臣尚書令柳元景以下皆不能

免唯憚蔡興宗方嚴不敢侵媠

媠私列翻

顏師伯謂儀曹郎

王耽之曰

曹魏置二十三郎儀曹其一也

蔡尚書常免昵戲去人實遠

昵尼質翻

耽之曰蔡豫章昔在相府亦以方嚴不狎武帝宴

私之日未嘗相召

蔡豫章興宗父廓也嘗爲豫章太守故稱之相府謂武帝相晉時廓爲司

徒左長史也  
相府息亮翻

蔡尚書今日可謂能負荷矣

左傳子產曰其父析薪其

子不克負荷荷音下可翻又如字

壬寅魏主如陰山

六月戊辰以

秦郡太守劉德願爲豫州刺史德願懷慎之子也上既

葬殷貴妃數與羣臣至其墓

數所角翻

謂德願曰卿哭貴妃

悲者當厚賞德願應聲慟哭撫膺擗踊涕泗交流

府胃也擗

毘亦翻以手擊胃也詩注曰自目曰涕自鼻曰泗

上甚悅故用豫州刺史以賞

之用下當有爲字上又令醫術人羊志哭貴妃志亦嗚咽極悲

它日有問志者曰卿那得此副急淚志曰我爾日自哭

亡妾耳

史言上淫荒  
爲下所侮弄

上爲人機警勇決學問博洽文章

華敏省讀書奏能七行俱下

省悉景翻行戶剛翻一  
注目間能了七行文義

又

善騎射

騎奇  
寄翻

而奢欲無度自晉氏渡江以來宮室草創

朝晏所臨東西二堂而已晉孝武末始作清暑殿宋興

無所增改上始大修宮室土木被錦繡嬖妾幸臣賞賜

傾府藏壞高祖所居陰室

被皮義翻藏徂浪翻壞音怪  
江左諸帝既崩以其所居殿

爲陰室藏  
諸御服

於其處起玉燭殿與羣臣觀之牀頭有土障

壁上挂葛燈籠麻蠅拂

以葛爲燈籠  
以麻爲蠅拂

侍中袁顗因盛稱

高祖儉素之德上不答獨曰田舍公得此已爲過矣

周公

無逸之書曰否則侮厥父母曰昔之人無聞知宋孝武是也

顗淑之兄子也 秋八

月乙丑立皇子子孟爲淮南王子產爲臨賀王 丙寅

魏主畋于河西九月辛巳還平城 庚寅以新安王子

鸞兼司徒 丙申立皇子子嗣爲東平王 冬十月癸

亥以東海王禕爲司空 己巳上校獵姑孰 魏員外

散騎常侍游明根等來聘明根奉使三返上以其長者

禮之有加

明根連三年來聘長知兩翻

十一月癸巳上習水軍於

梁山十二月丙午如歷陽甲寅大赦 己未太宰義恭

加尚書令 癸亥上還建康

八年春正月丁亥魏主立其弟雲爲任城王

任音壬

戊

子以徐州刺史新安王子鸞領司徒夏閏五月壬寅太

宰義恭領太尉 上末年尤貪財利刺史二千石罷還

必限使獻奉又以捕戲取之

捕戲樗蒲之戲也

要令罄盡乃止

終日酣飲少有醒時

少詩沼翻

常憑几昏睡或外有奏事即

肅然整容無復酒態

復扶又翻

由是內外畏之莫敢弛惰庚

申上殂於玉燭殿

年三十五

遺詔太宰義恭解尚書令加中

書監以驃騎將軍南兗州刺史柳元景領尚書令入居

城內

入居臺城之內也建康無外城設六籬門而已百官第宅皆在臺城之外驃匹妙翻騎奇寄翻

事

無巨細悉關二公大事與始興公沈慶之參決若有軍

旅悉委慶之尚書中事委僕射顏師伯外監所統委領

軍將軍王玄謨

舊制外監不隸領軍宜相統攝者自有別詔文帝元嘉十八年以趙伯符爲領

軍將軍始統領外監李延壽曰若徵兵動衆大興人役優劇遠近斷於外監之心延壽之言爲宋末嬖倖專擅

發是日太子即皇帝位

諱子業少字法師孝武帝長子也

年十六大赦

吏部尚書蔡興宗親奉璽綬

璽斯氏翻綬音受

太子受之傲情

無戚容興宗出告人曰昔魯昭不戚叔孫知其不終

左傳

魯襄公薨立昭公叔孫穆子曰是人也居喪而不哀在感而有嘉容是謂不度比葬三易袞袞衽如故袞於是昭公十九年矣猶有童心

君子是以知其不終也

家國之禍其在此乎

爲明年帝以狂

暴見弑張本

甲子詔復以太宰義恭錄尚書事柳元景加

開府儀同三司領丹楊尹解南兖州

六月丁亥魏主

如陰山

秋七月己亥以晉安王子勛爲江州刺史

爲明

年子勛起兵張本勛古勲字

柔然處羅可汗卒子子成立號受羅



部真可汗

魏收曰受羅部真魏言惠也可從刊入聲汗音寒

改元永康部真帥

衆侵魏

帥讀曰率

辛丑魏北鎮遊軍擊破之

壬寅魏主如

河西高車五部相聚祭天衆至數萬魏主親往臨視之

高車大喜

丙午葬孝武皇帝于景寧陵

景寧陵在丹陽秣陵縣巖

山廟號世祖

庚戌尊皇太后曰太皇太后皇后曰皇

太后 乙卯罷南北二馳道

世祖大明五年立南北二馳道自闔闔門至于朱雀

門又自承明門至于玄武湖

及孝建以來所改制度還依元嘉尚書

蔡興宗於都座慨然謂顏師伯曰

此都座謂尚書八座會坐之所猶今之都

也堂先帝雖非盛德之主要以道始終三年無改古典所

貴

論語曰三年無改於父之道可謂孝矣

今殯宮始撤山陵未遠而凡諸

制度興造不論是非一皆刊削雖復禪代亦不至爾

復扶

又翻下復非復留同

天下有識當以此窺人師伯不從太宰義恭

素畏戴灋興巢尚之等雖受遺輔政而引身避事由是

政歸近習灋興等專制朝權

朝直遙翻

威行近遠詔敕皆出

其手尚書事無大小咸取決焉義恭與顏師伯但守空

名而已

義恭錄尚書事師伯爲僕射而尚書事決於灋興等是守空名也

蔡興宗自以

職管銓衡

興宗爲吏部尚書

每至上朝

上時掌翻朝直遙翻下同

輒爲義恭

陳登賢進士之意

爲于偽翻

又箴規得失博論朝政義恭性

恒撓

恒怯也撓屈也恒去王翻撓奴教翻

阿順灋興恒慮失旨

恒戶登翻

聞興

宗言輒戰懼無答興宗每奏選事

選須絹翻選事選曹事也

灋興尚

之等輒點定回換僅有在者興宗於朝堂謂義恭師伯

曰主上諒闇不親萬機

闇音陰

而選舉密事多被刪改復

非公筆

被皮義翻復扶又翻下同

亦不知是何天子意數與義恭等

爭選事往復論執義恭灋興皆惡之

數所角翻惡鳥路翻下同

左遷

興宗新昌太守

吳孫皓建衡三年分交趾立新興郡晉武帝太康三年更名新昌郡屬交州五

代志交州嘉寧縣舊置新昌郡

既而以其人望復留之建康 丙辰追

立何妃曰獻皇后

何妃大明五年薨

乙丑新安王子鸞解領

司徒戴灋興等惡王玄謨剛嚴八月丁卯以玄謨爲南

徐州刺史 王太后疾篤使呼廢帝帝曰病人間多鬼

那可往太后怒謂侍者取刀來剖我腹那得生寧馨兒

寧相傳讀從去聲劉禹錫詩從平聲

己丑太后殂 九月辛丑魏主還平

城自河西還也

癸卯以尚書左僕射劉遵考爲特進右光

祿大夫 乙卯葬文穆皇后于景寧陵

王后從孝武帝謚當作武穆

冬十二月壬辰以王畿諸郡爲揚州

大明三年以丹陽等六郡爲王

畿

以揚州爲東揚州

以會稽爲揚州亦見三年

癸巳以豫章王子尚

爲司徒揚州刺史是歲青州移治東陽

青州移治歷城見上卷孝建三

年

宋之境内凡有州二十二郡二百七十四縣千二百

九十九戶九十四萬有奇

此大較以沈約宋志爲據沈約作志大較以是年爲正然

是年止二十一州耳沈志所謂二十二州以明帝泰始七年分交廣置越州足之而此時又已省司州蓋止二十一州也揚州領丹陽吳興淮南宣城義興五郡東揚州領會稽東陽臨海永嘉新安五郡南徐州領南東海

南琅邪晉陵吳南蘭陵南東莞淮陵臨淮南彭城南清  
河南高平南平昌南濟陰南濮陽南泰山濟陽南魯郡  
十七郡徐州領彭城沛下邳蘭陵東海東莞琅邪  
陽平濟陰北濟陰十二郡南兗州領廣陵海陵山陽盱  
眙秦郡南沛鍾離北沛臨江九郡兗州領泰山高平魯  
東平陽平濟北六郡南豫州領歷陽南譙廬江南汝陰  
南梁晉熙弋陽安豐南汝南南新蔡東郡南頓南潁川  
西汝陰南汝陽南陳留南陳左郡邊城左郡光城左郡  
十九郡豫州領汝南新蔡譙梁陳南頓潁川汝陰汝陽  
陳留馬頭十一郡江州領尋陽豫章鄱陽臨川廬陵安  
成南康南新蔡建安晉安十郡青州領齊濟南樂安高  
密平昌北海東萊太原長廣九郡冀州領廣川平原清  
河樂陵魏河間頓丘高陽勃海九郡司州領義陽隨陽  
安陸南汝南四郡荊州領南郡南平宜都巴東汶陽南  
義陽新興南河東建平長寧武寧十一郡郢州領江夏  
竟陵隨武陵天門巴陵武昌西陽八郡湘州領長沙衡

陽桂陽零陵營陽湘東邵陵始興臨慶始安十郡雍州  
領襄陽南陽新野順陽京兆始平扶風南上洛河南廣  
平義成馮翊天水建昌華山北河南弘農十七郡梁州  
領漢中魏興新興新城上庸晉壽華陽新巴北巴西北  
陰平南陰平巴渠懷安宋熙白水南上洛北上洛安康  
南宕渠懷安二十郡秦州領武都略陽安固西京北南  
太原南安馮翊隴西始平金城安定天水西扶風北扶  
風十四郡益州領蜀郡廣漢巴西梓潼巴郡遂寧江陽  
懷寧寧蜀越雋汶山南陰平犍爲始康晉熙晉原永寧  
安固南漢中北陰平武都新城南新巴南晉壽宋興南  
宕渠天水東江陽沈黎二十九郡寧州領建寧晉寧祥  
柯平蠻夜郎朱提南廣建都西平西河陽東河陽興寧  
興古梁水十五郡廣州領南海蒼梧晉康新寧永平鬱  
林桂林高涼新會東官義安宋康綏康海昌宋熙寧浦  
晉興樂昌臨鄭十九郡交州領交趾武平新昌九真九  
德日南合浦義昌宋平九郡合二百六十八益以新立

百梁隴蘇永寧安昌富昌南流六郡足爲二百七十四  
其間荒外有郡而無縣有縣而無戶口有戶數而無口  
數亦不能詳  
也奇居宜翻  
東方諸郡連歲旱饑  
東方諸郡謂三吳及浙江東五郡

米一升錢數百建康亦至百餘錢餓死什六七

資治通鑑卷一百二十九





總校官庶吉士臣侍朝

校對官檢討臣王坦修

謄錄監生臣張同巽

謄錄監生臣潘承燁